



ATASSUT

UPA14/128-1

Knud Kristiansen

20.03.2014

Uunga siunnersuut: Sermip erngullu avammut nioqqutissatut atorneqarnissaat pillugu Inatsisartut inatsisaata allanngortinnissaanut siunnersuut nr. 7 31. maj 2001-imeersoq (sermip erngullu avammut nioqqutiginnissaannut inatsit).

(Inuussutissarsiornermut Aatsitassanullu Naalakkersuisoq)

Matumuuna ATASSUT-miit Sermip erngullu avammut nioqqutiginnissaanut inatsisip allannguuteqarnissaanut siunnersuut pillugu imaattumik oqaaseqaateqassaagut:

ATASSUT-miit pingaartilluinnakkatta ilagaat, nunatta tunisassiornikkut pisuussutivut minguitsut, uani imeq eqqarsaatigalugu avammut nioqqutissiarinissaat pisariaqartut ilagimmassuk.

Nunarsuartinni pingaartumik ukiuni kingullerni nunat imermik amigaateqarnerat annertusiartuinnarpoq. Tamatuma malitsigisaanik pitsaassuseq pineqarunnaarluni imeq akikitsumik imerneqarsinnaangorsaganngorlugi ineriartortinneqarsimasoq nunatta erngata minguitsup unammillersinnaassusaanut sanngiillisaasoq ajoraluartumik nassuerutigisariaqarparput.

Pissutsit taamaammata nunatsinnilu imeq minguitsoq, annertoorlu tunisassiarinissaanut periarfissatigut pisoorsuugaluarluta unammillersinnaassuseqalernissaa suliassaavoq imaannaangitsoq pisariaqartorlu.

ATASSUT-miillu isumaqarpugut, tunisassiornarit ataasiakkaat ingerlanneqartaraluartut, ingerlanneqarlutillu, suli annertunerujussuarmik periarfissagut atortariaqarivut. Aamma inatsisitigut, taakkulugu malitsigisassaannik atugassaqartitsinerup periarfissarititaasigut, unammillersinnaassuseqarnerpullu anguneqassappat ullumikkumit allaanerusumik eqqarsartariaqalerpugut, tamatumalu aqutissiuunneqarnissaanut ATASSUT-mit piareersimavugut.



ATASSUT INATSIARTUNI

Nunatta sineriassuani misissuinerit tutsuiginartut ilisimaneqartullu arlaqarput, imermik, sermimik tunisassiornissamut avatangiiserisassatigut periarfissarissaartunik, aamma sumiiffiit angallannikkut, assartuineq eqqarsaatigalugu, aammalu minnerunngitsumik sulisussanik qularnaarinninnissaq eqqarsaatigalugu tunngavissarissaartunik. Taamaattumillu ATASSUT-miit manna periarfissaq atorlugu, aamma oqallinneq tassunga tunngasumik pingaartilluinnakkatsinnillu imaqarmat ilanngussivigaarput.

Allannguutissatut siunnersuut ATASSUT-miit akueralugu, innersuussutigissavarput, aappassaaneerseqartinnagu, Inuussutissarsiornermut Ataatsimiititaliami suliarineqassasoq.